



## **Aningaasaqarnermut Naalakkersuisoq**

**Aningaasaqarnermut Ataatsimiititaliap suliaq nr. 01.31.06/09-00440 pillugu sisamangornermi ulloq 12. november 2009-mi aalajangiinera pillugu Naalakkersuisunut ilisimatitsineq**

### **Akileraarneq Atugarissaarnerlu pillugit Isumalioqatigiissitaq**

#### **Naalakkersuisut inassutigaa:**

- konto pingaarnermi 20.01.97-imi, Akileraarneq Atugarissaarnerlu pillugit Isumalioqatigiissitamut tunngasumi, 2009-mi 1,0 mio. kr.-it aningaasaliissutigineqassasut,
- konto pingaarnermi 20.11.50-imi, Ingerlatsinerneq sillimmatinut tunngasumi, aningaasaliissutit 1,0 mio. kr.-inik ikineqassasut

#### **Aningaasaqarnermut Ataatsimiititaliap oqaaseqaatai**

Akileraarneq Atugarissaarnerlu pillugit Isumalioqatigiissitaq sulinerata 2009-mi aallartinneqarnissaani aningaasat atugassat Naalakkersuisut suliami matumani qinnutigaat. Isumalioqatigiissitaq sulinera katillugit 6 mio. kr.-inik akeqassasoq naatsorsuutigineqarpoq. Taakkunanit 5 mio. kr.-it 2010-mi aningaasanut inatsisissatut siunnersuummi immikkoortinneqarput. Aningaasalersuutissat sinneruttut qinnuteqaatikkut matumani pineqartukkut pissarsiarineqassapput.

Aammattaaq isumalioqatigiissitaq taassumalu katitigaanera pillugu paasissutissanik erseqqinnerusunik Aningaasaqarnermut Ataatsimiititaliaq pissarsiniarpoq. Tassunga atatillugu 2010-mi aningaasanut inatsisissatut siunnersuutip aappassaaneerineqarnissaanut ataatsimiititaliap isumaliutissiissutaa innersuussutigineqarpoq.

Akileraarneq Atugarissaarnerlu pillugit Isumalioqatigiissitamit sulinerup pilersaarutit malillugit ingerlanneqarnissaa Aningaasaqarnermut Ataatsimiititaliamit pingaartinneqarpoq. Taamaattumik isumalioqatigiissitaq sulinerata ingerlanera pillugu akulikitsumik ilisimatinneqartarnissani ataatsimiititaliap **qinnutigissavaa**.

Suliaq Naalakkersuisunit akuersissutigineqareernerata kingorna suliaq nassiunniarnerani Naalakkersuisut allaffeqarfiata qaammat ataaseq sinnerlugu atorsimagaa Aningaasaqarnermut Ataatsimiititaliamit maluginiarneqarpoq. Aningaasaliissuteqarnissamik suliaq suliamit matumanit sukkanerumik Aningaasaqarnermut Ataatsimiititaliamut nassiunneqartarsimagaluarpata, tamanna qularutissaanngitsumik iluaqutissarsiviussagaluartoq siusinnerusukkut pisartut assigalugit ataatsimiititaliamit erseqqissarneqassaaq.

**Aningaasaqarnermut Ataatsimiititaliap aalajangiinera**

Naalakkersuisunit inassuteqaatit Aningaasaqarnermut Ataatsimiititaliamit **akuerineqarput.**

Aningaasaqarnermut Ataatsimiititaliaq sinnerlugu

Naaja Nathanielsen  
Aningaasaqarnermut Ataatsimiititaliap siulittaasua